



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 110. Sessio I. Ferrariensis Synodi Græcorum simul & Latinorum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

vero Eugenius Papa podagra detentus ad Sæcul. XV.
 Ecclesiam, ubi Synodus fuerat indicta, A. C. 1438.
 accedere non posset, in amplo Pontificii
 palatii Sacello convenere Patres, eodem
 ordine, & apparatu, quem prima vice
 stabilitum, & observatum vidimus in ma-
 jori templo S. Georgii, ubi Synodo so-
 lemne datum erat Principium.

§. CX.

*Sessio I. Ferrariensis Synodi Græco-
rum simul, & Latinorum.*

Ergo die octava mensis Octobris Feria Labbe Conc.
 quarta cum Græcis prima celebrata 10. 13. p. 34.
 est Sessio, ante cujus principium Impe-
 rator eos, qui habitis intererant congrega-
 tionibus, scilicet sex illos illustriores Ar-
 chiepiscopos magnum Chartophylacem,
 magnum Ecclesiarcham, duos Abbates
 tresque Doctores ad se vocavit, rogans,
 quæ dogmata ante omnia forent discu-
 tienda. Hi in diversas abiere sententias;
 vicit tamen potissima eorum pars, quæ
 disputationi initium dandum esse cense-
 bat a secundo articulo: An Ecclesiæ la-
 tinæ dogma de Processione Spiritus san-
 cti orthodoxum esset, ac eundem a Filio
 procedere, jure additum fuisset? Elege-
 runt Græci, atque Latini utrinque senos
 Prælatos, fueruntque illis ante altare, in
 quo liber Evangeliorum positus erat, se-
 dilia

Sæcul. XV.
A. C. 1438.

dilia collocata, Latinis ad partem Pontificis, Græcis vero ad Imperatoris, & Patriarchæ latus confidentibus, ita ut vultus mutuo ad se conversos tenerent.

§. CXI.

Doctores in hac Sessione ad disputandum selecti.

Ex Latinorum agmine in arenam descenderunt duo Cardinales, Albergatus & Julianus; Andreas ex Ordine S. Domini Archiepiscopus Colossensis, Ludovicus Episcopus Forolivienfis Ordinis Minorum cum tribus Theologis Joanne de Montenegro ordinis F. F. Prædicatorum Lombardiæ Provinciale, Petro Perquerio ordinis Minorum, & Joanne de S. Thoma Eremitarum S. Augustini Alumne. Ex Græcis ad disputandum nominantur tres Metropolitæ, Marcus Eugenius Ephesinus, Isidorus Ruthenus, & Bellarion Nicænus, qui quidem ætate juvenis sed scientia ac modestia grandævus ceteris omnibus magis unionem promovit, eamque usque ad finem constanter defendit, quo tamen studio Græcorum, quibus hæc conjunctio non placuit, invidiam in se concitavit, adeo, ut in Italia hæere coactus esset, ubi tamen postea in virtutis suæ præmium Cardinalium purpura decoratus claruit. Præfatis hisce Metropolitæ